



Llywodraeth Cymru
Welsh Government

YSTADEGAU

Staff mewn sefydliadau addysg bellach: Awst 2018 i Gorffennaf 2019

Gwybodaeth am nifer y staff cyfwerth ag amser llawn a gyflogir yn uniongyrchol gan sefydliadau addysg bellach ar gyfer Awst 2018 i Gorffennaf 2019.

Cyhoeddwyd gyntaf: 26 Awst 2020

Diweddarwyd ddiwethaf: 26 Awst 2020

Cafodd y ddogfen hon ei lawrlwytho o LLYW.CYMRU, efallai nad dyma'r fersiwn mwyaf diweddar.

Ewch i <https://llyw.cymru/staff-mewn-sefydliadau-addysg-bellach-awst-2018-i-gorffennaf-2019-html> i weld y fersiwn ddiweddaraf.

Gwybdaeth am [hawlfraint](#).

Cynnwys

1. Prif bwyntiau

2. Staff cyfwerth ag amser llawn mewn sefydliadau addysg bellach

3. Newidiadau mewn niferoedd staff cyfwerth ag amser llawn

4. Nifer y staff cyfwerth ag amser llawn yn ôl categori gwariant ar gyflog

5. Nodiadau

6. Gwybodaeth ansawdd a methodoleg

7. Manylion cyswllt

1. Prif bwyntiau

Yn ystod 2018/19, roedd nifer y staff a gyflogwyd yn uniongyrchol gan sefydliadau addysg bellach yng Nghymru yn cyfateb i 8,755 cyfwerth ag amser llawn (FTE).

Cododd cyfanswm nifer y staff FTE a gyflogwyd yn uniongyrchol gan sefydliadau addysg bellach yng Nghymru 3% rhwng 2017/18 a 2018/19.

Roedd cynnydd yn nifer y staff FTE mewn 9 o'r 13 sefydliad addysg bellach i wahanol raddau ond roedd y cynnydd mwyaf yng Ngrŵp NPTC, lle gwelwyd cynnydd o 130 o staff FTE (cynnydd o 18%). Dangosodd Coleg Gwent gwmp o 40 yn nifer y staff FTE (4%).

2. Staff cyfwerth ag amser llawn mewn

Cafodd y ddogfen hon ei lawrlwytho o LLYW.CYMRU, efallai nad dyma'r fersiwn mwyaf diweddar.


Evch i <https://llyw.cymru/staff-mewn-sefydliadau-addysg-bellach-awst-2018-i-gorffennaf-2019-html> i weld y fersiwn ddiweddaraf.

Gwybdaeth am [hawlfraint](#).

sefydliadau addysg bellach

Mae Siart 1 yn dangos dosbarthiad staff FTE ar draws sefydliadau addysg bellach yn 2018/19. Yn ystod 2018/19, roedd nifer y staff yn cyfateb i 8,755 o swyddi FTE. Roedd nifer y staff mewn sefydliadau unigol yn amrywio, o 105 o swyddi FTE yng Ngholeg Catholig Dewi Sant i 1,290 o swyddi FTE Grŵp Llandrillo Menai.

Siart 1: Nifer y staff cyfwerth ag amser llawn yn ôl sefydliad addysg bellach, Awst 2018 i Gorffennaf 2019



Ffynhonnell: Cofnod Cyllid Llywodraeth Cymru

Nifer y staff cyfwerth ag amser llawn mewn Sefydliadau Addysg Bellach yn ôl sefydliad ar StatsCymru

Cafodd y ddogfen hon ei lawrlwytho o LLYW.CYMRU, efallai nad dyma'r fersiwn mwyaf diweddar.

Ewch i <https://llyw.cymru/staff-mewn-sefydliadau-addysg-bellach-awst-2018-i-gorffennaf-2019-html> i weld y fersiwn ddiweddaraf.

Gwybdaeth am [hawlfraint](#).

3. Newidiadau mewn niferoedd staff cyfwerth ag amser llawn


Cododd cyfanswm nifer y staff FTE a gyflogwyd yn uniongyrchol gan sefydliadau addysg bellach i uchafbwynt o 9,330 yn 2012/13, ac ar ôl hynny bu gostyngiad o flwyddyn i flwyddyn, gan gyrraedd lefel isaf o 7,815 yn 2015/16.

Dros y tair blynedd diwethaf, mae nifer y staff FTE wedi dechrau cynyddu – gyda chynnydd o 3% yn y flwyddyn ddiweddaraf i 8,755 o staff FTE.

Cynyddodd nifer y staff FTE mewn naw sefydliad yn 2018/19 o'i gymharu â 2017/18, gyda'r cynnydd mwyaf yn digwydd yn Grŵp NPTC a Grŵp Llandrillo Menai.

Gostyngodd cyfanswm nifer y staff FTE mewn pedwar sefydliad, y cyfrannau mwyaf yng Ngholeg Gwent a Choleg Catholig Dewi Sant, lle disgynnodd y niferoedd o ryw 4% yn y ddau.

Siart 2: Niferoedd staff cyfwerth ag amser llawn, 2007/08 i 2018/19



Ffynhonnell: Cofnod Cyllid Llywodraeth Cymru

Nifer y staff cyfwerth ag amser llawn mewn Sefydliadau Addysg Bellach yn ôl sefydliad ar StatsCymru

4. Nifer y staff cyfwerth ag amser llawn yn ôl

Cafodd y ddogfen hon ei lawrlwytho o LLYW.CYMRU, efallai nad dyma'r fersiwn mwyaf diweddar.

Ewch i <https://llyw.cymru/staff-mewn-sefydliadau-addysg-bellach-awst-2018-i-gorffennaf-2019-html> i weld y fersiwn ddiweddaraf.

Gwybdaeth am [hawlfraint](#).

categori gwariant ar gyflog

Y categori 'adrannau addysgu a dysgu' sy'n parhau i fod â'r nifer mwyaf o staff cyfwerth ag amser llawn sydd wedi'u cyflogi'n uniongyrchol gan sefydliadau addysg bellach, gyda 58% o'r cyfanswm cyfwerth ag amser llawn, gostyngiad bach o'r 59% yn y flwyddyn flaenorol.

Gwelodd 'gwasanaethau cymorth addysgu a dysgu' 5% o ostyngiad yn 2018/19 ac mae'n cyfrif am 9% o'r cyfanswm cyfwerth ag amser llawn. Mae'r categorïau 'adrannau addysgu a dysgu' a 'gwasanaethau cymorth addysgu a dysgu' gyda'i gilydd yn 68% o'r cyfanswm cyfwerth ag amser llawn, ychydig yn is na'r 69% yn 2017/18.


Y categori 'adrannau addysgu a dysgu' sydd wedi cyfrannu fwyaf at y cynnydd cyffredinol yn nifer y staff cyfwerth ag amser llawn ers 2015/16 (i fyny 305, neu 6%). Er gwaetha'r cynnydd, nid yw'r niferoedd yn y categori hwn wedi dychwelyd eto i'r lefelau a welwyd cyn 2015/16. Gwelwyd y cynnydd mwyaf o ran canran ers 2015/16 yn y categori 'gweinyddu a gwasanaethau canolog', i fyny 26%. Yn 2018/19, roedd y cynnydd yn bennaf yn sgil yr Adrannau Addysgu a Dysgu (i fyny 110) ac Arall (i fyny 130).

Cafodd y ddogfen hon ei lawrlwytho o LLYW.CYMRU, efallai nad dyma'r fersiwn mwyaf diweddar.

Ewch i <https://llyw.cymru/staff-mewn-sefydliadau-addysg-bellach-awst-2018-i-gorffennaf-2019-html> i weld y fersiwn ddiweddaraf.

Gwybdaeth am [hawlfraint](#).

Siart 3: Niferoedd staff cyfwerth ag amser llawn yn ôl categori gwariant ar gyflog, 2013/14 i 2018/19



Ffynhonnell: Cofnod Cyllid Llywodraeth Cymru

Nifer y staff cyfwerth ag amser llawn mewn Sefydliadau Addysg Bellach yng Nghymru, yn ôl categorïau gwariant ar gyflog ar StatsCymru

5. Nodiadau

Ffynhonnell ddata

Mae'r datganiad ystadegol cyntaf hwn yn rhoi gwybodaeth am nifer y staff FTE a gyflogir yn uniongyrchol gan sefydliadau addysg bellach ar unrhyw adeg yn ystod y flwyddyn academaidd 2018/19. Mae'r data a ddefnyddir yn y datganiad hwn yn cael eu casglu o'r sefydliadau gan Lywodraeth Cymru drwy'r Cofnod Cyllid, fel sydd wedi digwydd ers 2009/10. Cafwyd datganiadau cynharach o'r Cofnod Staff Unigol (SIR). Ataliwyd y casgliad SIR ar ôl 2008/09 yn sgil gwaith blaenoriaethu gweithgarwch ystadegol ar y pryd ac er mwyn lleihau baich dau gasgliad data ar wahân.

Defnyddir data staff FTE ar gyfer monitro ac wrth ddatblygu strategaethau. Yn

Cafodd y ddogfen hon ei lawrlwytho o LLYW.CYMRU, efallai nad dyma'r fersiwn mwyaf diweddar.

Ewch i <https://llyw.cymru/staff-mewn-sefydliadau-addysg-bellach-awst-2018-i-gorffennaf-2019-html> i weld y fersiwn ddiweddaraf.

Gwybdaeth am [hawlfraint](#).

ogystal â hynny, y data hyn yw'r ffynhonnell swyddogol o ystadegau ar gyfer staff addysg ôl-16 yng Nghymru.

Cesglir data staff FTE fel rhan o'r Cofnod Cyllid. Cofnodion ariannol a roddir i Lywodraeth Cymru gan sefydliadau addysg bellach yw'r Cofnod Cyllid yn bennaf ac mae'n cynnwys copi o'u datganiadau ariannol. Lle mae colegau addysg bellach wedi uno, mae'r ffigurau yn cynrychioli'r sefyllfa yn dilyn yr uno ac ni chaiff sefydliadau cyfansoddol eu nodi ar wahân o flwyddyn academaidd yr uno ymlaen.

Mae Cyngor y Gweithlu Addysg yn ffynhonnell wybodaeth ychwanegol ar staff mewn Sefydliadau Addysg Bellach.

Diffiniadau

Mae'r blynyddoedd academaidd a ddefnyddir drwy'r datganiad hwn yn cyfeirio at y cyfnod 1 Awst i 31 Gorffennaf.

Caiff ffigurau staff FTE eu cyflenwi'n uniongyrchol gan y Sefydliadau Addysg Bellach drwy'r Cofnod Cyllid.

Talgrynnu

Mae'r holl ffigurau yn y datganiad ystadegol hwn wedi'u talgrynnu i'r 5 agosaf, ac felly gall fod anghysondeb bach rhwng swm y rhesi/colofnau cyfansoddol a'r cyfansymiau penodol. Mae '.' yn golygu nad yw eitem ddata yn berthnasol, ac mae seren yn cynrychioli gwerth heb fod yn sero sy'n llai na 5.

6. Gwybodaeth ansawdd a methodoleg

Mae'r adran hon yn rhoi crynodeb o wybodaeth am yr allbwn hwn yn erbyn pum dimensiwn ansawdd: Perthnasedd, Cywirdeb, Amseroldeb a Phrydlondeb, Hygyrchedd ac Eglurder, a Chymaroldeb.

Cafodd y ddogfen hon ei lawrlwytho o LLYW.CYMRU, efallai nad dyma'r fersiwn mwyaf diweddar.

Ewch i <https://llyw.cymru/staff-mewn-sefydliadau-addysg-bellach-awst-2018-i-gorffennaf-2019-html> i weld y fersiwn ddiweddaraf.

Gwybdaeth am [hawlfraint](#).

Perthnasedd

Defnyddir y mesurau a nodir yn y cyhoeddiad hwn yn bennaf:

- gan Lywodraeth Cymru i fonitro nifer y staff mewn sefydliadau addysg bellach
- gan ddarparwyr addysg eu hunain, fel offeryn rheoli i fonitro lefelau staff
- gan undebau a chyrff eraill sy'n cynrychioli darparwyr addysg.

Defnyddir y data hefyd o fewn a thu allan i Lywodraeth Cymru i fonitro tueddiadau FTE staff. Dyma rai o'r prif ddefnyddwyr:

- Gweinidogion a swyddogion Llywodraeth Cymru
- Aelodau'r Senedd a Gwasanaeth Ymchwil yr Aelodau yn Senedd Cymru
- Adrannau eraill y Llywodraeth
- Myfyrwyr, ymchwilwyr ac academyddion
- Dinasyddion unigol, cwmnïau preifat a'r cyfryngau.

Defnyddir yr ystadegau mewn amryw o ffyrdd. Dyma rai enghreifftiau:

- gwaith cefndir ac ymchwil cyffredinol
- cynnwys mewn adroddiadau a briffiau
- cyngor i Weinidogion
- llywio a gwerthuso'r broses o lunio polisiau addysg yng Nghymru.

Cywirdeb

Roedd y data mewn datganiadau hyd at 2008/09 yn dod o'r Cofnod Staff Unigol (SIR). Cafodd y casgliad hwn ei atal yn dilyn cyhoeddiad 2008/09 ac mae'r casgliad Cofnodion Cyllid wedi cael ei ddefnyddio fel ffynhonnell ddata ar gyfer datganiadau o 2009/10 ymlaen. Yn dilyn y newid hwn, mae data o fewn y gyfres hon bellach yn cael eu cymryd o'r Cofnod Cyllid ar gyfer pob blwyddyn gan ddisodli data hyd at 2008/09 a gafwyd gan y SIR. Gellir dod o hyd i wybodaeth o ansawdd am y newid hwn mewn fersiynau blaenorol o'r Datganiad hwn.

Dylanwadwyd ar lefel y newid a welwyd rhwng 2016/17 a 2017/18 gan y ffaith

Cafodd y ddogfen hon ei lawrlwytho o LLYW.CYMRU, efallai nad dyma'r fersiwn mwyaf diweddar.

Ewch i <https://llyw.cymru/staff-mewn-sefydliadau-addysg-bellach-awst-2018-i-gorffennaf-2019-html> i weld y fersiwn ddiweddaraf.

Gwybdaeth am [hawlfraint](#).

bod **Colegau Caerdydd a'r Fro wedi caffael cyfranddaliadau ACT Ltd** yn ystod mis Hydref 2016 ac ALS Ltd yn ystod mis Ionawr 2018.

Roedd cyfrifon 2016/17 ond yn cynnwys cyfran o niferoedd staff ACT gan fod y caffaeliad wedi digwydd ran o'r ffordd drwy'r flwyddyn. Roedd nifer y staff 2017/18 yn cynnwys yr effaith blwyddyn lawn, a dyna pam y cafwyd cynnydd. Mae ACT Ltd ac ALS Ltd bellach yn is-gwmnïau sydd ym mherchnogaeth lwyr y coleg. Mae'n debygol bod caffael gwahanol ddarparwyr dysgu seiliedig ar waith gan golegau wedi bod yn ffactor a welwyd ar draws y blynyddoedd.

Dylai cymariaethau ar lefel sefydliadau o ran niferoedd staff yn ôl categori gwariant ar gyflog (Siart 3) gael eu gwneud yn ofalus, oherwydd dehongliad lleol o gategoriâu a gwahaniaethau sefydliadol eraill. Er enghraifft, gall y rhaniad rhwng Adrannau Addysgu a Dysgu a Gwasanaethau Cymorth Addysgu a Dysgu adlewyrchu'r arddull addysgu wahanol ym mhob coleg. Mewn rhai achosion, gall hyfforddwyr ac arddangoswyr gael eu cynnwys o dan y Gwasanaethau Cymorth Addysgu a Dysgu.

Amseroldeb a Phrydlondeb

Daw ystadegau ar gyfer blwyddyn academiaidd benodol o'r Cofnod Cyllid, yn dilyn diwedd y flwyddyn academiaidd, ac fe'u cyhoeddir ar hyn o bryd ym mis Mai y flwyddyn ganlynol.

Hygyrchedd ac Eglurder

Mae'r datganiad ystadegol hwn yn cael ei gyhoeddi ymlaen llaw ac yna'i gyhoeddi ar adran Ystadegau gwefan Llywodraeth Cymru. Mae'r gyfres amser llawn ar gael trwy **StatsCymru**

Cafodd y ddogfen hon ei lawrlwytho o LLYW.CYMRU, efallai nad dyma'r fersiwn mwyaf diweddar.

Ewch i <https://llyw.cymru/staff-mewn-sefydliadau-addysg-bellach-awst-2018-i-gorffennaf-2019-html> i weld y fersiwn ddiweddaraf.

Gwybdaeth am [hawlfraint](#).

Cymaroldeb

Data ar gyfer blynyddoedd blaenorol

Gellir dod o hyd i rifynnau blaenorol o'r datganiad hwn sy'n cwmpasu'r blynyddoedd academaidd 2003/04 i 2017/18 i gyd o dan y tab datganiadau blaenorol ar gyfer y cyhoeddiad hwn. Rydym wedi newid fformat y datganiad eleni i gyflwyno'r wybodaeth mewn ffordd gliriach a symlach. Mae'r data yn y tablau sydd i'w gweld mewn rhifynnau blaenorol o'r datganiad hwn i gyd ar gael trwy [StatsCymru](#).

Ni chasglwyd data ar gyfer Coleg Merthyr Tudful (MTC) rhwng y blynyddoedd academaidd 2006/07 a 2011/12 ar ôl iddo uno â Phrifysgol Morgannwg (sydd bellach yn rhan o Brifysgol De Cymru) yn 2006. Ar gyfer y blynyddoedd hynny cafodd y data hyn eu cynnwys mewn cyhoeddiadau ar gyfer ystadegau addysg uwch. Ar gyfer 2012/13 ymlaen, mae data o MTC wedi dychwelyd i gael eu cyhoeddi fel rhan o ystadegau addysg bellach ac felly mae'r data hynny yn bresennol yn y datganiad hwn o'r pwynt hwnnw ymlaen. Mae unrhyw gymariaethau rhwng blynyddoedd academaidd cyn ac ar ôl y pwynt hwn yn ystyried hyn.

Cyhoeddiadau eraill ar niferoedd staff addysg bellach

Mae **Cyngor y Gweithlu Addysg (CGA)** yn cynhyrchu **ystadegau blynyddol ar holl ymarferwyr cofrestredig CGA**. Mae wedi bod yn ofynnol i athrawon addysg bellach gofrestru gyda CGA ers 1 Ebrill 2015, a gweithwyr cymorth dysgu addysg bellach (ac ysgolion) ers mis Ebrill 2016.

Nid oes modd cymharu'r ffigurau a gyhoeddwyd gan CGA ar gyfer addysg bellach yn uniongyrchol â'r rheini yn y datganiad hwn. Mae gwybodaeth CGA yn cynnwys nifer y rhai oedd wedi cofrestru ar ddyddiad pendant, tra bod y datganiad hwn yn darparu'r holl staff FTE ar draws y flwyddyn academaidd. Mae data presennol CGA yn ymwneud â'r sefyllfa ym mis Mawrth 2018 ac mae'n cofnodi 5,844 o athrawon addysg bellach cofrestredig a 2,554 o weithwyr cymorth dysgu addysg bellach. Mae'r data hwn yn ffynhonnell ddefnyddiol o

Cafodd y ddogfen hon ei lawrlwytho o LLYW.CYMRU, efallai nad dyma'r fersiwn mwyaf diweddar.

Evch i <https://llyw.cymru/staff-mewn-sefydliadau-addysg-bellach-awst-2018-i-gorffennaf-2019-html> i weld y fersiwn ddiweddaraf.

Gwybdaeth am [hawlfraint](#).

wybodaeth am ddisbarthiad rhyw ac oedran athrawon addysg bellach a staff cymorth, nad yw ar gael o'r data cofnod cyllid y seilir y datganiad hwn arno.

Data ar gyfer gweddill y Deyrnas Unedig

Gellir gweld enghreifftiau o'r defnydd o ddata ar staff mewn sefydliadau addysg bellach yn yr Alban a Lloegr ar wefannau Cyngor Cyllido'r Alban a'r Sefydliad Addysg a Hyfforddiant, yn y drefn honno:

Dangosyddion Perfformiad Myfyrwyr a Staff ar gyfer Colegau Addysg Bellach yr Alban

Adroddiadau Data Gweithlu Addysg Bellach

Fodd bynnag, oherwydd gwahaniaethau o ran methodoleg a chasglu data, dylid bod yn ofalus wrth wneud cymariaethau uniongyrchol â'r ffigurau a nodir yn y datganiad hwn.

Mae gwbyodaeth am staff mewn sefydliadau addysg bellach ar draws y DU i'w gweld yn Nhabl 2.1 y datganiad ystadegol canlynol, sy'n cynnwys gwbyodaeth am staff mewn sefydliadau addysg bellach yng Nghymru, Lloegr a'r Alban:

Ystadegau Addysg a Hyfforddiant ar gyfer y DU: 2018

Data cysylltiedig eraill ar gyfer Sefydliadau Addysg Bellach

Gellir gweld data ar gofrestrïadau dysgwyr mewn Sefydliadau Addysg Bellach, ynghyd â gwbyodaeth am ddysgu seiliedig ar waith a dysgu yn y gymuned, yn y cyhoeddiad hwn:

Addysg Bellach, Dysgu Seiliedig ar Waith a Dysgu Cymunedol

Mae gwbyodaeth fanylach am y ddarpariaeth mewn sefydliadau addysg bellach o 2012/13 ymlaen ar gael ar wefan StatsCymru yma:

StatsCymru: Dysgwyr Addysg Bellach ac sy'n Dysgu yn y Gwaith

Cafodd y ddogfen hon ei lawrlwytho o LLYW.CYMRU, efallai nad dyma'r fersiwn mwyaf diweddar.

Ewch i <https://llyw.cymru/staff-mewn-sefydliadau-addysg-bellach-awst-2018-i-gorffennaf-2019-html> i weld y fersiwn ddiweddaraf.

Gwybdaeth am [hawlfraint](#).

7. Manylion cyswilt

Ystadegydd: Ian Shipley

Llinell Ymholiadau Cyffredinol: 0300 025 9528

E-bost: ystadegau.addysgol16@llyw.cymru

Cyfryngau: 0300 025 8099

SFR 123/2020

Cafodd y ddogfen hon ei lawrlwytho o LLYW.CYMRU, efallai nad dyma'r fersiwn mwyaf diweddar.

Ewch i <https://llyw.cymru/staff-mewn-sefydliadau-addysg-bellach-awst-2018-i-gorffennaf-2019-html> i weld y fersiwn ddiweddaraf.

Gwybdaeth am [hawlfraint](#).

Ynghylch y ddogfen hon

Mae'r ddogfen hon yn gopi o'r dudalen we [Staff mewn sefydliadau addysg bellach: Awst 2018 i Gorffennaf 2019](#) a lawrlwythwyd.

Ewch i <https://llyw.cymru/staff-mewn-sefydliadau-addysg-bellach-awst-2018-i-gorffennaf-2019-html> i weld y fersiwn ddiweddaraf.

Efallai na fydd y ddogfen hon yn hollol hygyrch; darllenwch ein [datganiad hygyrchedd](#) i gael rhagor o wybodaeth.

Gwybdaeth am [hawlfraint](#).

Cafodd y ddogfen hon ei lawrlwytho o LLYW.CYMRU, efallai nad dyma'r fersiwn mwyaf diweddar.

Ewch i <https://llyw.cymru/staff-mewn-sefydliadau-addysg-bellach-awst-2018-i-gorffennaf-2019-html> i weld y fersiwn ddiweddaraf.

Gwybdaeth am [hawlfraint](#).